

稼軒長短句

卷四之七

稼軒長短句卷四

宋 歷城 辛棄疾 幼安

滿江紅

建康史帥致道席上賦

鵬翼垂空。笑人世、蒼然無物。又還向、九重深處。玉
階山立。袖裏珍奇光五色。他年要補天西北。且歸
來、談笑護長江。波澄碧。佳麗地。文章伯。金縷唱。
紅牙拍。看尊前飛下。日邊消息。料想寶香黃閣夢。
依然畫舫清溪笛。待如今、端的約鍾山。長相識。

二

中秋寄遠

快上西樓。怕天放、浮雲遮月。但喚取、玉纖橫管。一

聲吹裂。誰做冰壺涼世界。最憐玉斧脩時節。問嫦娥孤令有愁無。應華髮。雲液滿。瓊盃滑。長袖舞。清歌咽。歎十常八九。欲磨還缺。但願長圓如此夜。人情未必看承別。把從前離恨總包藏。歸時說。

三

中秋

美景良辰。算只是、可人風月。況素節揚輝。長是十分清徹。著意登樓瞻玉兔。何人張幕遮銀闕。倩飛廉得得爲吹開。憑誰說。弦與望。從圓缺。今與昨。何區別。羨夜來把手。桂花堪折。安得便登天柱上。從容陪伴酬佳節。更如今、不聽麈談清。愁如髮。

四

點火櫻桃。照一架茶蘼如雪。春正好。見龍孫穿破。
紫苔蒼壁。乳燕引雛飛力弱。流鶯喚友。嬌聲怯。問
春歸不肯帶愁歸。腸千結。層樓望。春山疊。家何
在。煙波隔。把古今遺恨。向他誰說。蝴蝶不傳千里
夢。子規叫斷三更月。聽聲聲枕上。勸人歸。歸難得。

五

可恨東君。把春去春來無迹。便過眼。等閑輸了。三
分之一。晝永暖翻紅杏雨。風清扶起垂楊力。更天
涯。芳艸最關情。烘殘日。湘浦岸。南塘驛。恨不盡。
愁如織。算年年辜負。對他寒食。便恁歸來能幾許。
風流早已非疇昔。凭畫欄。一線數飛鴻。沉空碧。

六

家住江南。又過了清明寒食。花徑裏一番風雨。一番狼藉。紅粉暗隨流水去。園林漸覺清陰密。算年年落盡刺桐花。寒無力。庭院靜。空相憶。無說處。閑愁極。怕流鶯乳燕。得知消息。尺素如今何處也。綠雲依舊無踪跡。謾教人羞去上層樓。平蕪碧。

七

贛州席上呈太守陳李陵侍郎

落日蒼茫。風纔定。片帆無力。還記得。眉來眼去。水光山色。倦客不知身遠近。佳人已卜歸消息。便歸來。只是賦行雲。襄王客。此箇事。如何得。知有恨。休重憶。但楚天特地。算雲凝碧。過眼不如人意事。十常八九。今頭白。笑江州司馬太多情。青衫溼。

賀王帥宣子平湖南寇

笳鼓歸來舉鞭問。何如諸葛。人道是。凶凶五月。渡
瀘溪。入白羽。生風貔虎謀。青溪路斷。鼙鼓泣。早紅
塵。一騎落平岡。捷書急。三萬卷。龍頭客。渾未得。
文章力。把詩書馬上。笑驅鋒鏑。金印明年如斗大。
貂蟬却自兜鍪出。待刻公勲業。到雲霄。浯溪石。

九

漢水東流。都洗盡。髭胡膏血。人盡說。君家飛將。舊
時英烈。破敵金城雷過耳。談兵玉帳冰生頰。想王
郎結髮。賦從戎。傳遺業。腰間劍。聊彈鋏。尊中酒。
堪爲別。況故人新擁。漢壇旌節。馬革裹屍。當自誓。

蛾眉伐性休重說。但從今記取楚臺風。庾樓月。

十

江行簡楊濟翁周顯先

過眼溪山。怪都似、舊時曾識。還記得、夢中行遍。江南江北。佳處徑須攜杖去。能消幾兩平生屐。笑塵勞三十九年非。長爲客。吳楚地。東南坼。英雄事。曹劉敵。被西風吹盡了。無塵跡。樓觀甫成人已去。旌旗未卷頭先白。歎人生哀樂轉相尋。今猶昔。

十一

敲碎離愁。紗窗外、風搖翠竹。人去後、吹簫聲斷。倚樓人獨。滿眼不堪三月暮。舉頭已覺千山綠。但試把一紙寄來書。從頭讀。相思字。空盈幅。相思意。

何時足。滴羅襟點點。淚珠盈掬。芳艸不迷行路客。
垂楊只礙離人目。最苦是立盡月黃昏。攔干曲。

十二

倦客新豐。貂裘敝。征塵滿目。彈短鋏。青蛇三尺。浩
歌誰續。不念英雄江左老。用之可以尊中國。歎詩
書萬卷。致君人。翻沉陸。休感慨。澆醺醪。人易老。
歡難足。有玉人憐我。爲簪黃菊。且置請纓封萬戶。
竟須賣劍。酌黃憤。甚當年寂寞賈長沙。傷時哭。

十三

風捲庭梧。黃葉墜。新涼如洗。一笑折秋英。同賞。弄
香按藥。天遠難窮。休久望。樓高欲下。還重倚。揜一
襟寂寞。淚彈秋。無人會。今古恨。沉荒壘。悲歡事。

隨流水。想登樓青鬢。未堪憔悴。極目煙橫山數點。
孤舟月淡人千里。對嬋娟從此話離愁。金尊裏。

十四

冷泉亭

直節堂堂。看來道冠纓拱立。漸翠谷羣仙來下。珮
環聲急。誰信天峯飛墮地。傍湖千丈開青壁。是當
年玉斧削方壺。無人識。山水潤。琅玕溼。秋露下。
瓊珠滴。向危亭橫跨。玉淵澄碧。醉舞且搖鸞鳳影。
浩歌莫遣魚龍泣。恨此中風物本吾家。今爲客。

十五

再用前韻

照影溪梅。悵絕代佳人獨立。便小駐。雍容千騎。羽

觴飛急。琴裏新聲風響珮。筆端醉墨鴉棲壁。是使
君文雅舊知名。今方識。高欲臥雲還溼。清可漱
泉長滴。快晚風吹帽。滿懷空碧。寶馬嘶歸紅旆動。
龍團試水銅瓶泣。怕他年重到路應迷。桃源客。

十六

席間和洪景盧舍人兼司馬漢章大監

天與文章看萬斛。龍文筆力聞道是一詩。曾換千
金顏色。欲說又休。新意思。彊啼偷笑真消息。算人
人合與共乘鸞。鑾坡客。傾國艷。難再得。還可恨。
還堪憶。看書尋舊錦。衫裁新碧。鶯蝶一春花裏活。
可堪風雨飄紅白。問誰家却有燕歸梁。香泥溼。

十七

送湯朝美司諫自汴歸金壇

瘴雨蠻煙。十年夢、尊前休說。春正好、故園桃李。待君花發。兒女燈前和淚拜。雞豚社裏歸時節。看依然舌在齒牙牢。心如鐵。活國手。封侯骨。騰汗漫。排闥闔。待十分做了。詩書勲業。當日念君歸去好。而今却恨中年別。笑江頭明月更多情。今宵缺。

十八

送李正之提刑入蜀

蜀道登天。一盃送、鑪衣行客。還自歎、中年多病。不堪離別。東北看騰諸葛表。西南更艸相如檄。把功名收拾付君侯。如椽筆。兒女淚。君休滴。荆楚路。吾能識。要新詩準備。廬山山色。赤壁磯頭千古浪。

銅鞮陌上三更月。正梅花萬里雪深時。須相憶。

十九

送信守鄭舜舉被召
湖海平生算不負。蒼髯如戟。聞道是使君著意。太平長策。此老自當兵十萬。長安正在天西北。便鳳凰飛詔下天來。催歸急。車馬路。兒童泣。風雨暗。旌旗溼。看野梅官柳。東風消息。莫向蘆菴追笑語。只今松竹無顏色。問人間誰管別離愁。杯中物。

二十

和楊民瞻送佑之弟還侍浮梁
塵土西風便無限。淒涼行色。還記取明朝。應恨今宵輕別。珠淚爭垂華燭暗。雁行欲斷哀箏切。看扁

舟幸自遛清溪。休催發。白石路。長亭側。千樹柳。
千絲結。怕行人西去。棹歌聲闕。黃卷莫教詩酒污。
玉階不信仙凡隔。但從今。伴我又隨君。佳哉月。

二十一

遊南巖和范先之韻

笑拍洪崖。問千丈、翠巖誰削。依舊是、西風白鳥。北
村南郭。似整復斜僧屋亂。欲吞還吐林煙薄。覺人
間萬事。到秋來。都搖落。呼斗酒。同君酌。更小隱。
尋幽約。且丁寧休負。北山猿鶴。有鹿從渠求鹿夢。
非魚定未知魚樂。正仰看飛鳥却。鴈人。回頭錯。

二十二

和范先之雪

天上飛瓊。畢竟向人間情薄。還又跨玉龍歸去。萬
花搖落。雲破林梢添遠岫。月明星角分層閣。記少
年駿馬走韓盧。掀東郭。吟凍雁。嘲飢鵲。人已老。
歡猶昨。對瓊瑤滿地。與君酬酢。最愛霏霏迷遠近。
卻收擾擾還空闊。待羔兒酒罷又烹茶。揚州鶴。

二十三

病中俞山甫教授訪別病起寄之

曲几團蒲。記方丈君來問疾。更夜雨匆匆別去。一
盃南北。萬事莫侵閑鬢髮。百年正要佳眠食。最難
忘此語。重殷勤。千金值。西崦路。東巖石。攜手處。
今塵迹。望東來猶有舊盟如日。莫信蓬萊風浪隔。
垂天自有扶搖力。對梅花一夜苦相思。無消息。

二十四

錢鄭衡州厚卿席上再賦

莫折荼蘼。且留取、一分春色。還記得、青梅如豆。共伊同摘。少日對花渾醉夢。而今醒眼看風月。恨牡丹笑我倚東風。頭如雪。榆莢陣。菖蒲葉。時節換。繁華歇。算怎禁風雨。怎禁鶉鴂。老冉冉兮花共柳。是栖栖者蜂和蝶。也不因春去有閑愁。因離別。

二十五

送徐行仲撫幹

絕代佳人。曾一笑、傾城傾國。休更歎、舊時青鏡。而今華髮。明日伏波堂上客。老當益壯翁應說。恨苦遭鄧禹笑人來。長寂寂。詩酒社。江山筆。松菊徑。

雲煙展。怕一觴一詠。風流絃絕。我夢橫江孤鶴去。
覺來却與君相別。記功名萬里。要吾身佳眠食。

呈來二十六

紫陌飛塵。望十里。雕鞍繡轂。春未老。已驚臺榭。瘦
紅肥綠。睡雨海棠猶倚醉。舞風楊柳難成曲。問流
鶯能說故園無。曾相熟。巖泉上。飛鳧浴。巢林下。
棲禽宿。恨荼蘼開晚。謾翻船玉。蓮社豈堪談昨夢。
蘭亭何處尋遺墨。但羈懷空自倚。鞦韆。無心蹴。

生野二十七

華國華。由閩憲移漕建安陳端仁給事同
諸公餞別。余爲酒困臥清涂堂上。三鼓方
醒。國華賦詞留別席上。和韻。青涂端仁堂。

名也

宿酒醒時。算只有清愁而已。人正在清塗堂上。月華如洗。紙帳梅花歸夢覺。尊羹鱸膾秋風起。問人生得意幾何時。吾歸矣。君若問相思事。料長在歌聲裏。這情懷只是中年如此。明月何妨千里隔。顧君與我如何耳。向尊前重約幾時來。江山美。

二十八

和盧國華

漢節東南看駟馬。光華周道須信是七閩。還有福星來到。庭艸自生心意足。榕陰不動秋光好。問不知何處著君侯。蓬萊島。還自笑。人今老。空有恨。縈懷抱。記江湖十載。厭持旌纛。獲落我材無所用。